



Broj: JN-OP-877- 18 /2025

Datum: 21-04-2026

PREDMET: Pojašnjenje tenderske dokumentacije

U sjedištu Ugovornog organa dana 16.04.2026. godine pod brojem protokola JN-OP-877-11/2025 i pod brojem protokola JN-OP-877-14/2025 i dana 17.04.2026. godine pod brojem protokola JN-OP-877-15/2025, zaprimljeni su Zahtjevi za pojašnjenje tenderske dokumentacije, broj: JN-OP-877-6/2025 u postupku javne nabavke Nabavka rekonstrukcije TS 110/x kV Jajce 1, dostavljeni od strane privrednog subjekta Energoinvest d.d. Sarajevo, u kome se traže sljedeća pojašnjenja:

- Zahtjev za pojašnjenje tenderske dokumentacije JN-OP-877-11/2025

Molimo Vas za pojašnjenje u vezi rješenja priključka kanalizacije i vodovoda za planirani komandno-pogonski objekat.

Na predmetnoj lokaciji već postoji objekat koji je priključen na vodovodnu i kanalizacionu mrežu, te je potrebno definisati da li je predviđeno:

- *priključenje novog objekta na postojeći sistem kanalizacije i vodovoda, ili*
- *izrada novog zasebnog priključka na mrežu, ili*
- *drugo tehničko rješenje (npr. septička jama, separator i sl.).*

Molimo Vas da nam, ukoliko je dostupno, dostavite i tehničke detalje postojećeg priključka (lokacija, kapacitet, način priključenja, dostupna dokumentacija i sl.)

- Zahtjev za pojašnjenje tenderske dokumentacije JN-OP-877-14/2025

Molimo Vas za pojašnjenje u vezi rješenja pristupne saobraćajnice izvan obuhvata nove ograde trafostanice. Konkretno, molimo da definišete da li je predviđena rekonstrukcija postojeće pristupne saobraćajnice na dionici od magistralne ceste M16 do planirane nove kapije trafostanice, ili se zadržava u postojećem stanju bez intervencija.

- Zahtjev za pojašnjenje tenderske dokumentacije JN-OP-877-15/2025

Molimo Vas da nam dostavite:

- *ažurirane i čitljive arhitektonske nacрте komandno-pogonske zgrade, ili*
- *tabelarni pregled prostorija koji sadrži sledeće podatke:*
 - *naziv prostorije*
 - *površinu (m²)*
 - *visinu (m)*
 - *zapreminu (m³)*

Navedeni podaci su neophodni za pravilno dimenzionisanje sistema grijanja, hlađenja i ventilacije, te izradu adekvatne i konkurentne ponude.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

- Odgovor na zahtjev za pojašnjenje tenderske dokumentacije JN-OP-877-11/2025

Tenderskom dokumentacijom JN-OP-877-6/2025 Nabavka rekonstrukcije TS Jajce 1, Prilog 3 – Obrazac za cijenu ponude, Tabela 1. Dokumentacija, vrsta 1 predviđeno je: „Pribavljanje potrebnih saglasnosti, urbanističko - tehničkih uslova, urbanističke saglasnosti, odobrenja za gradnju i upotrebne dozvole za rekonstrukciju TS Jajce 1, kao i ostale dokumentacije u skladu sa važećom zakonskom regulativom”. Zaključuje se da je predmetnom javnom nabavkom obuhvaćena izrada urbanističko-tehničkih uslova, u okviru kojih se pribavljaju saglasnosti komunalnih preduzeća gdje se opisuje postojeće stanje i daju uslovi za nove priključke na vodovodnu i kanalizacionu mrežu. Ukoliko nadležna komunalna preduzeća procijene da postoje uslovi da objekat TS Jajce 1 može da bude priključen na postojeću vodovodnu i kanalizacionu mrežu, nadležna komunalna preduzeća će to definisati kroz saglasnost. U ovom trenutku Ugovorni organ bez detalja iz navedenih saglasnosti nadležnih komunalnih preduzeća nije u mogućnosti da definiše traženo tehničko rješenje priključaka na vodovodnu i kanalizacionu mrežu ni da dostavi informacije o postojećem stanju priključaka.

- Odgovor na zahtjev za pojašnjenje tenderske dokumentacije JN-OP-877-14/2025

U okviru predmetne nabavke nisu predviđeni radovi na pristupnoj saobraćajnici od magistralnog puta M16 do kapije TS Jajce 1. U toku je realizacija ugovora koji obuhvata radove na proširenju i sanaciji dijelova predmetne saobraćajnice za potrebe transporta transformatora.

- Odgovor na zahtjev za pojašnjenje tenderske dokumentacije JN-OP-877-15/2025

Projektom zadatkom, koji je sastavni dio tenderske dokumentacije definisani su zahtjevi u pogledu sadržaja i namjene prostorija u komandno-pogonskoj zgradi, date su okvirne površine komandnog i pogonskog dijela objekta, okvirna visina prostorija, te završne obrade podova i zidova. Tenderskom dokumentacijom JN-OP-877-6/2025 Nabavka rekonstrukcije TS Jajce 1, Prilog 3 – Obrazac za cijenu ponude, Tabela 2. Projektovanje, predviđena je izrada: Idejnog projekta, Glavnog projekta, Izvedbenog projekta i Projekta izvedenog stanja TS Jajce 1. Shodno navedenom zaključuje se da će tačne vrijednosti površina, visina i zapremina prostorija, kao i sve prateće faze, u šta spada i dimenzionisanje sistema grijanja/hlađenja/ventilacije, biti definisane kroz Glavni projekat čija je izrada predmet ove javne nabavke.

S poštovanjem,

Predsjednik Komisije za
JN-OP-877/2025

